

Na osnovu člana 17. Zakon/a o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi člana 11. Zakona o ministarstvima i drugim organima uprave Bosne i Hercegovine ("Službeni glasnik BiH", br.5/03, 42/03, 26/04, 42/04, 45/06 88/07, 35/09, 59/09 i 103/09) i čl. 12. i 18. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09), Vijeće ministara Bosne i Hercegovine, na 141. sjednici održanoj 12.januara 2011. godine, donijelo je

ODLUKU
O OPERATIVNIM MJERAMA ZA PROVOĐENJE ODLUKE O PRIVREMENOM
FINANSIRANJU INSTITUCIJA BOSNE I HERCEGOVINE I MEĐUNARODNIH
OBAVEZA BOSNE I HERCEGOVINE ZA
PERIOD JANUAR - MART 2011. GODINE

Član 1.

(Predmet odluke)

Ovom Odlukom utvrđuju se operativne mjere Vijeća ministara Bosne i Hercegovine za provođenje Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2011. godine („Službeni glasnik BiH“, broj 2/11), usljed ograničenosti priliva prihoda na Jedinствен račun trezora Bosne i Hercegovine.

Član 2.

(Odobreni rashodi)

U periodu važenja Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2011. godine budžetskim korisnicima će se odobriti sredstva na nivou jedne četvrtine rashoda utvrđenih Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu („Službeni glasnik BiH“, broj 103/09) isključivo za sljedeće ekonomske kategorije: bruto plaće i naknade, naknade troškova zaposlenih, izdaci za telefonske i poštanske usluge, izdaci za energiju i komunulne usluge, izdaci za usluge prijevoza i goriva, troškovi zakupa, izdaci za osiguranje i troškove platnog prometa, izuzev rashoda iz člana 4. stava (2) ove Odluke.

Član 3.

(Ostali prioritetni rashodi)

Izdaci za putne troškove, nabavku materijala, izdaci za tekuće održavanje, ugovorene i druge posebne usluge, i direktne transfere odobravat će Ministarstvo finansija i trezora Bosne i Hercegovine i to u izuzetnim slučajevima i na osnovu pisanog zahtjeva uz adekvatna obrazloženja budžetskog korisnika, a ovisno o prilivu prihoda i u skladu sa prioritetima izvršenja rashoda definisanih u članu 18. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09), izuzev rashoda iz člana 4. stava (2) ove Odluke.

Član 4.

(Rashodi koji se ne mogu izvršavati)

- (1) Novi kapitalni izdaci, tekući grantovi i budžetska rezerva neće se davati na raspolaganje.
- (2) Obustavljaju se isplate za stimulaciju i svi izdaci za rad u komisijama i radnim grupama.

Član 5.

(Nove aktivnosti)

Budžetski korisnici ne mogu započinjati nove ili proširene programe i aktivnosti do usvajanja Zakona o Budžetu institucija Bosne i Hercegovine i međunarodnih obaveza Bosne i Hercegovine za 2011. godinu.

Član 6.
(Važenje odluke)

Ova Odluka će se provoditi sve do usvajanja Zakona o Budžetu institucija Bosne i Hercegovine i međunarodnih obaveza Bosne i Hercegovine za 2011. godinu, odnosno u periodu važenja Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2011. godine.

Član 7.
(Provođenje odluke)

Za provođenje ove Odluke zadužuju se Ministarstvo finansija i trezora Bosne i Hercegovine i korisnici budžeta institucija Bosne i Hercegovine.

Član 8.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 6/11
12. januara 2011. godine
Sarajevo

Predsjedavajući
Vijeća ministara BiH
dr. Nikola Špirić